

陶文毅公全集

陶文毅公全集卷六十目錄

詩集 七言律詩 七言長律附

乙亥九月二十四日奉

命巡視江南漕務二十六日起

圓明園講

訓蒙

召見恭紀

出都留別諸友

白溝河

河間

平原偶感

登泰山題三天門

題岱頂浴日養雲之室

舟至淮安

清江浦謁河神廟

邵伯埭

董子祠

吳幼霞上舍邀同汪小竹儀部錢玉魚上舍同游

平山堂泛舟至紅橋有作

登萊英灣佛閣

大風泊瓜洲登大觀樓望湖

瓜洲吳氏廢園

張蘭渚中丞邀游金山登妙高臺

登北固山

京口生日寄內

瓜儀漕次得石士蘭友墨莊芙初何亭辛塢琴涵

霽青諸君子書知消寒之集有詩見及賦此奉

答兼以寄懷時丙子春仲

丙子上巳前一日黎湛溪河帥

世序入

觀歸邀同百鞠溪節相

齡

李書年漕帥

奕疇

元靜庵樵

使成飲集漱芳齋有作

送程靜軒之官蕪湖道

寒竹董琴涵席中分賦

奉

命充丁丑會試內監試官恭紀

送顧南雅侍讀乞假還吳

夢中得古驛梅花遠送駝句醒足成之時丁丑十

一月二十二日也殘雪在庭光搖銀海追思夢

境爲之惘然

嘉慶丁丑嘉平月十五日 先君子黃江公奉

旨子祀湖南鄉賢祠感

恩述德敬成七律四首

雪

刻洪介亭詩集成蘭友重爲校閱有詩見貽率依
原韻奉答兼寄顧南雅侍讀

送李卷山廣滋謫烏魯木齊

丙子四十生日

戊寅科順天鄉試奉

命巡察棘牆八月十五夜有作呈同事琦給諫昌趙給

諫未彤高侍御翔麟劉侍御名載

李比部

光理

次子

著

年甫十五中式順天鄉試揭

曉日適親迎比部索余書喜聯余集唐人自有

金杯迎甲夜定知丹桂屬嫦娥二語贈之并口

占以賀

王直齋茂才

寅

書問近狀

十月十二日奉

命巡視東城恭紀

陳石士募東坡石鈔圖作箋屬賦即用坡老次周

種韻

疊植字韻答高麗豐山君洪海居

顯周

貽書來求

筆札兼寄洪駱舉權晶山諸詩人

次韻答高麗韓尙書致應見寄

疊前楂字韻答權晶山

次高麗詩人韓西園永元用拙集韻見寄

次韻答高麗進士成茗山祐會題印心石屋集

次韻再答成進士見贈

賀柘農熙齡齋中見高麗行人李西園潞書以不

得一見余爲恨再三懇乞詩筆其意良摯柘農

轉爲敦致因走筆成一律贈之

答高麗正使鄭竹澗晚錫留別原韻

答高麗鄭山石 五錫

卽席送何仙槎典試閩中時余亦將之官川東卽

以留別

題郭蘭石太史 尙先 讀書秋樹根圖

題奎玉庭學士 照隨

蹕詩草

再次前韻簡玉庭

送吳西穀探花假歸揚州省親

爲林敏齋 培厚 題雲江泛棹圖卽送出守重慶

題卿永瞻先生廬墓圖

題黃霽青太史消寒詩社圖

己卯臘月十一日至川東作

潼川刺史有園蔬山茶甚多爲賦一律

庚辰十一月二十八日接到部文知於是月初七

日蒙

恩擢授山西按察使恭紀

小除過資陽示李茂才

石梧

成都守歲

次韻蔣礪堂制軍自述

辛巳元旦成都祝

聖恭紀

送陳偉堂學使

內召

登平定州署湧雲樓用沈牧禮田琮韻

涿州道中望

昌陵感泣恭賦

徐州

蟪蛄靈澤夫人廟

宿州登高皇山

勘水銅陵登富覽亭作

過太和縣示阮令

過兒寬故里再示阮令

桐城道中

送孫平叔中丞巡閱

壬午十二月二十四日大雪用東坡韻

余忠宣公墓

有序

癸未正月初五日復雪疊東坡韻

卿滋圃少常靈隱過皖登舟哭之眷念舊交歸而

夜不成寐有作

朱節母兩世

旌門詩

次黎湛溪韻贈孫嘉樹先生

勘水壽春同僚屬諸公登八公山作

乙酉元日同戴春塘觀察程玉農太守登鳳陽之
第一山時方入

觀過邵度歲

自京師歸入宿州境作

題黃惺溪侍御歸觀圖

舟過金陵

六月二十六日入蘇州作

行經鍾阜望半山亭

鄉試監臨乙酉科文闈安徽學使張公

鱗作詩見

寄輒次原韻奉和並示外簾諸君

和屠琴塢吳門舟次感懷原韻

京口登銀山望潮作

游慧山寺試第二泉

丙戌二月一日海運初發偕同事諸君赴吳淞口

致告海神登礮臺作

海運告成蒙

恩賞戴花翎恭紀

題南村耦耕圖送鄧湘皋還新化

題尤春樊舍人東籬雅會圖

學使辛筠谷前輩次海運詩韻見題籌災摺稟賦
此致謝

十一月三十日游焦山次借庵上人七十詩韻是
日值余初度用生字韻增之共得詩八首

臘八日大雪用東坡韻

送潘芝軒師入都

題費禮部庚吉篝燈課讀圖

丁亥六月二十六日自蘇州赴鎮江舟中暑熱異

常二十九日泊金山憩山麓小院中向夕登舟
有作

次韻題卓海帆府丞憶山移談詩圖

再次九日偕游滄浪亭韻

和梁茆鄰方伯孟冬二十五日步入滄浪亭憩於
南禪寺原韻時同游者八人而余不與

登靈巖山

追和琴涵秋興韻八首之二

泉交河新建石埧和胡律臣先生

戊子元宵後一日邀諸同人卽席用石琢堂先生

人日詩韻

三月二十九日復舉一子朱虹舫學使以詩見賀

奉答原韻

題卓海帆同年木天清暇圖

和韻題桂舫司寇靖節詩意圖

自題皖城大觀亭圖

自題畫幀寄劉先生

有序

戊子秋闈填榜日呈主試鍾仰山侍郎黃樹齋太

史兼示同事諸君子

桂舫尙書結問梅詩社當舉第一百集適所築種

梅書屋落成設劇宴飲賦詩索和

十一月二十日同陳芝楣宋湘帆兩糧道及鎮江
趙兩樓太守前升守羅麓西觀察由丹徒橫閘
出江湖流至焦山時糧船北來歸次淺阻於京
口內河余議改道由大江直下至橫閘入口弁
丁以焦山南岸有象山爲險百計阻撓故親往
指視是日傍北岸取道對渡更順開此一路亦
數百年漕道所未有也晚歸賦一詩

題滄浪七友圖

題梁茝鄰庚午雅集圖

喜雨和荳鄰韻

夜宿太湖東山題古雪居

王竹嶼觀察白雲回望圖次姚姬傳先生韻

題潘二星齋紅蕉館集

辛卯六月五日晨出石頭城送當塗黃左田尚書

赴京祝

報遂登獅子山望江水盛漲

十月初二日自丹陽至句容作

壬辰四月二十三日沐陽道中

曉發沐陽入海州

海州道中

四月二十六日偕鄒公眉謝默卿暨諸同事登東

海雲臺山

壬辰科校錄皖省遺才偶成

癸巳十月十一日由蔣家壩渡洪澤湖遂登老子

山相度移設水師營地翼日復偕同事游龜山

訪禹蹟李蘭卿觀察詩先成卽次其韻

乙未四月二十三日重登雲臺山

次韻和茝鄰方伯奉

召北上紀事

閏六月望後一日招同年程定甫林虛亭謝椒石
爲荳鄰作餞荳鄰詩先成因次其韻

英煦齋師寄示次孫錫祉蒙

恩改庶吉士詩次韻

俞陶泉都轉將歸道山前數日命畫士作水窮雲
起圖臨行說偈云四大本空一絲不挂脫卻塵
鞿乘雲瀟灑都轉平生不信佛而來去如此抑
亦善果有因也補題一詩以當輓別云爾

霜信十二韻

以下七言長律附

秋聲十二韻

詩集 七言律詩 七言長律附

乙亥九月二十四日奉

命巡視江南漕務二十六日赴

圓明園請

訓蒙

召見恭紀

花廳一載踏香城又捧

恩綸出玉京轉漕南河原首遞

蒙諭南漕第一要緊必須南漕得力以後

節節方叩階
好辦

西苑是初程

蒙諭漕船回京要緊須作速起程

臣毋作偽心常凜

陸文毅公全集

卷六十

詩

一

入

見時猶未及跪遽蒙

天語云朕放爾南漕矣爾尚有良心

帝許能言夢轉驚

蒙

諭爾尚有

側席連番邀

特簡

前日引

見時謝名在頭班之末適

偃僕銜

命不勝情

出都留別諸友

話別長亭酒數巡馬蹏緩踏軟紅塵攀轅意尚憐

諸吏

司坊官吏追送至普濟堂

攬轡心常愧古人羶上梨花思

舞雪簷中楊柳欲回春此行敢忘東南計我亦壺

漿瘠土民

白溝河

疆分遼宋一河流往蹟燕雲十六州漫詡金戈通
鴈塞誰將玉斧畫鴻溝江南臥榻嗔鼾睡冀北家
山失首邱賴得蓼花何六宅經營塘泊類詩囚

河間

河間地是古瀛洲縹緲雲邊尙有樓九曲何年埋
馬頰三山從此望鼇頭歌聞姪女錢能數書寫賢
王蹟少留斜日垂鞭空弔古幾行衰柳不禁秋
平原偶感

此地清歌認昔時平原莽莽送秋思連天衰草雲
千里傍驛斜陽樹幾枝名似真卿猶未識星如曼

倩豈能知祇應愛士佳公子學繡人還說買絲

登泰山題三天門

一綫天門指顧通昇仙亭迴接鴻濛眼前杯豆羣
山小腳底波濤萬壑同雲氣出爲天下雨海聲吹
上日邊風壯游此際真奇絕手挈珠杓踏彩虹
題岱頂浴日養雲之室

宇內名山首岱宗青天高處削芙蓉雲蟠絕頂千
年石風響前朝五粒松檻外煙霞馴白鹿崖邊星
宿挂蒼龍只今雲篆窺

天藻

扁額六字係

高宗純皇帝御筆

玉檢金泥陋漢封

雲濤剛趁午風掀莽莽坤輿豁混元萬水東來趨
大海一山西向砥中原丹崖翠嶂仙人字羽葆紅
旗玉女軒轅

闕臣原

香案吏回頭尺五卽台垣

舟至淮安

千里長淮一帶縈暮雲遙見楚州城地從秋水蘆
中出船在人家屋杪行此日稻梁懽鴈集當年角
鼓笑蛙爭釣臺賸有王孫草寂寞風前弔古情

清江浦謁河神廟

夾道旌旗耀日紅

是日河帥邀同閣視河工營弁具儀衛甚都

瓣香河

口謁靈宮生前黃石名猶在

假師黃守才國初人生前屢著神異沿

河多廟祀之嘉慶十八年

死後馮夷氣尙雄

金龍四大王姓

謝名緒讀書金龍山宋謝太后之族元兵至赴水死遺言黃河北流乃其復仇時明太祖起兵其事

果海若已傳天女號

天后林氏女素著靈於閩海

書生權借大

王風

朱之錫國初時河臣乾隆中大學士阿桂治河當隄成時有旂書朱字至隄而沒奏請

入祠今民間

年來奠定多簫鼓一例迎神合數公

清江浦有二公祠祀平江伯陳瑄宮保潘季馴又有四公祠祀本朝河臣靳輔齊蘇勒高斌嵇曾

筠皆以治河著績

邵伯埭

四面陰多水亂鋪
鱗鱗有市出菰蒲
地教鷗鷺橫
雙浦人與魚鰕住
一湖終古蕙棠侔
邵伯當年折
屐有封胡
東山絲竹能無恙
極目蒼生望冑孤

董子祠

曾下蝦蟇古道傍

長安蝦蟇陵一名下馬陵相傳有董子墓

竹林繁露

此尤香高才邵似公儀子

法言公儀子董仲舒之才之邵也

道氣

醉於賈洛陽
官借春秋希貴仕
獨將禮義化驕王

平生正誼非謀利
遺廟應羞在榷場

廟在鹽運司署

吳幼霞上舍邀同汪小竹儀部錢玉魚上舍同游

平山堂泛舟至紅橋有作

曉雨空隄未上潮竹西深處送蘭橈小桃漠漠輕
舒靨細柳垂垂緩折腰十里紅橋春載酒二分明
月夜吹簫羽衣好是神仙侶騎鶴揚州快此宵
登茱萸灣佛閣

傑閣登臨勢渺然凝眸直擬切雲邊江連瓜步潮
猶雪春到萸灣草欲煙雨氣黯沈山外寺風聲遙
送渡頭船恩恩來往成鴻跡贏得僧寮一榻懸
大風泊瓜洲登大觀樓望湖

大聲忽發海風颺一片寒潮滾雪忙白晝魚龍咸
起舞青天樓閣共軒昂疊連吳楚形原壯地控金

焦勢敢狂便擬六鼇乘曉策日波紅處看扶桑

瓜洲吳氏廢園

如此亭臺跡已塵風流想見昔時春
檣帆歷歷頽垣外絲竹愔愔野水濱
芳草有情猶逐客桃花無主不逢人
輸他歌板河橋路騎馬依然岸酒巾
張蘭渚中丞邀游金山登妙高臺

石級通霄勢鬱盤偶乘新霽倚欄杆
一從江海相和會始信乾坤此大觀
山小如人能骨立洲空有路放心寬
平生鷗鷺無猜妨上聲分付魚龍水面看
登北固山

層樓有腳插層瀾木末雲高獨倚欄此地曾經蕭
老顧中原聊向座隅看天風浩浩吹無際江水瀾
瀾靜不湍咫尺望華依斗極而今直北是長安

京口生日寄內

我卅八齡卿卅七桃根廿五共齊眉巧將天上三
星會合作人間百歲期得勢帆如同我樂忍寒花
亦畏人知是日駐京口諭奴輩毋言生日以省酬應料應兒女團圓夜
喃語燈前寄遠思

瓜儀漕次得石士蘭友墨莊芙初向亭辛塢琴涵
霽青諸君子書知消寒之集有詩見及賦此奉

答兼以寄懷時丙子春仲

小別京華月四圓故人猶住紫薇天忽傳芳訊來
江上早有離情夢日邊圖裏寒消花尙雪篷頭春
撲草初煙高齋舊約能相忘還擬秋風共釣船

丙子上巳前一日黎湛溪河帥

世序入

觀歸邀同百鞠溪節相

齡

李書年漕帥

奕疇

元靜庵權

使成飲集嫩芳齋有作

客騶新賁五雲車小飲衙齋集佩琚良會忽成來

不速

時以盤
驗至淮

好春剛及暮之初檀槽快檢梨園部

河次無伶部是
日適從安東至絃管憑繙內史書會與

昇平誇勝事
茨防今已靖河渠

工次久無劇會年
來安瀾始一設馮

記得昨宵宴習家

先日節相招飲
集權使署園

沈沈官鼓報參

搗鷓鴣杓小波初咽
鵲鵲歌翻燭未斜
人喜別懷

能吐慧天生老眼
會看花

節相有所
品目甚精

連朝佳氣徵

星聚太史應上海上楫

送程靜軒之官蕪湖道

新拜

君恩絳節懸登車
還當錦衣旋春風
客訊三千里舊雨

情多十五年心跡
自盟江水上封章
曾徹

御階前梅花古驛香
應滿載取芳馨
一路傳

寒竹董琴涵席中分賦

春小林端氣未殘幾枝森立報平安寒天自稱佳
人倚老節如同故友看難得清修甘寂寂故應冷
韻獨姍姍寄聲我亦江潭客日暮相思路杳漫

奉

命充丁丑科會試內監試官恭紀

春陰漠漠壓簾齊鎮日虛堂對聚奎

閱文之堂額聚奎二字相

傳嚴介溪所書

座上芙蓉俱有鏡望中桃李不成蹊珠璣

燦爛原無分紅紫斑斕亦自迷卻笑勞勞緣底事

姓名也荷

陶文毅公全集

卷六十

詩集

七

御毫題

外簾各官例奉
簾監試與試官係

硃筆圈出惟內
御書姓名

送顧南雅侍讀乞假還吳

廿載聲名重玉堂飄然華髮且還鄉

恩猶未報身焉隱情到難言淚自長滇海有人師逸少

滇中舊祀王羲之爲先師見元史張立道傳南雅
督學雲南士服其教去後聞於省城黑龍潭側爲
建生祠與汪鑑湖無地乞知章布帆一幅人安穩
雲壑同祀

盼爾書來顧長康

夢中得古驛梅花遠送駢句醒足成之時丁丑十

一月二十二日也殘雪在庭光搖銀海追思夢

境爲之惘然

夢中得句醒還哦冷視朝來手自呵老子婆娑猶
擁絮先生安樂且名窩山家竹葉濃浮蟻古驛梅
花遠送駝知是江南春最早滿庭風雪憶槃阿

嘉慶丁丑嘉平月十五日 先君子奠江公奉

旨予祀湖南鄉賢祠感

恩述德敬成七律四首

褒揚有

旨逮儒冠曉捧雲書墨未乾直爲文翁開石室非同金
榜贈方干瞽宗祀列千秋永華褒榮逾一字看十
載秋霜兩承

命已巳 覃恩蒙 贈儒林郎翰林院編修 感

恩不覺淚汎瀾

萍葉當年少定居柳堂虛榜愛吾廬 手校書本皆

章其實家止片 家無長物惟三管室有多藏是五

車驚世文章走魑魅平生意氣格豚魚儒林獨行

秋陽在位置他時太史書

模楷羣推至性肫彥方名字重鄉鄰荆花自抱同

心蕊荀節能存太古春氣吐煙霞成七級 創建筆

塢以培 緣分香火得三人 寧鄉王公文清周 架山石

文風 公碩勲同時入祀 誦芬 懷德情何極長使清風楚水濱

憶得趨庭髮半垂，依依晨夕影形隨。
幼而失恃慈兼母，長卽當官父是師。
終古河山恩未報，側身天地我何知。
馳驅勉矢承先志，敢忘書來玉署時。

壬戌倅叨館選先君子
馳書諭勉娓娓數千言

雪

六花如翦散霏霏，入耳風聲聽未稀。
便是泥塗多隔絕，遙愁玉宇更寒威。
廩空略少烏烏樂，絮舞疑同燕燕飛。
漫詡天公眞作戲，豐年來歲免調飢。
刻洪介亭詩集成蘭友重爲校閱有詩見貽率依
原韻奉答兼寄顧南雅侍讀

遺編新鉅小容齋差幸平生約未乖幾卷存留能
卓犖千秋品第自安排書如掃葉論同校筆夢生
花韻少儕六載西風吹宿草挑燈猶有淚盈懷
聚首春明著作曹當時選韻盡雄豪杯盤雅席難
明燭旗鼓騷壇拭孟勞此日牙期成落落與君班
尹且陶陶詩成持寄東吳客翁草溪先生輓介亭詩云平生知己意灑
淚寄東吳謂介亭與南雅交最篤
也是集亦南雅刪訂之力爲多
白雪應添和曲
高

送李卷山廣滋謫烏魯木齊

萬里蕃雲逐客心天山北去路駸駸野連青稞飢

能療地號紅花暑不侵

民流寓者往往不歸云此地紅花者土語繁華

也見紀文達公烏魯木齊雜詩注

疏直諒知臣罪重生全終賴

主恩深

刑部初擬發遣伊犁上以伊犁較遠飭改近地

還應宣室徵才子惟

悴休爲澤畔吟

內子四十生日

數齡君又四盈旬柴米夫妻健在身日日勞爲八

口計星星漸是二毛人卻看繞膝憐嬌女曾記離

家託病親

壬戌癸亥數年間余往來京師惟內子在家獲奉菽水之養

白髮龐

公仍有約樺香山下共樵薪

樺香山在余宅後一里許

戊寅科順天鄉試奉

命巡察棘牆八月十五夜有作呈同事琦給諫

趙給

諫

未彤

高侍御

翔麟

劉侍御

名載

叢桂飄雲實已成循牆幾夕踏花行秋生上界香

應滿月傷重闌影倍明夾巷傳呼交馬足隔垣辛

苦識蠶聲廿年舊夢吾猶記畫壁題詩入五更

余庚

申闌中對月有人在冰

壺即照中句

榜發果雋

李比部

光理

次子

著

年甫十五中式順天鄉試揭

曉日適親迎比部索余書喜聯余集唐人自有

金杯迎甲夜定知丹桂屬嫦娥二語贈之并口

占以賀

三百人中最少年霓裳曲度綺羅筵便看昆季成
連理兄弟同獨引嫦娥作比肩萃鹿吹開蘭玉地
簫鸞騎上蕊珠天泥金豫報探花信合倩佳人製
錦箋

王直齋茂才寅書問近狀

舊雨書來六六鱗稽遲作答動經春自緣懶癖同
中散久許忘形到伯倫香火閒留江左地詩篇遙
付海東人年來只此真消息爲報先生一笑新

十月十二日奉

命巡視東城恭紀

三年前領

帝城中紫氣重瞻道自東敢謂求賢先郭隗

巡城舊由簡派

此次初行保舉虛勞薦剡到吳公

臺長五人以守廉才敏辦事精詳出考巡

邏暫緩旌幢使

余已截取繁缺道員例得外擢錦繡新添布帛風

中城有珠玉錦繡之稱東城則爲布帛菽粟

向曉

天街騎馬過路旁猶指鮑家驄

陳石士摹東坡石銚圖作箋屬賦卽用坡老大周

種韻

曾從活火試新泉一勺中涵百斛寬忽化煙雲來
紙上猶餘苔蘚帶秋寒名香會客茶初點古墨題

詩字未乾便合洛陽高索價不須米貴問長安

疊植字韻答高麗豐山君洪海居顯周貽書來求

筆札兼寄洪駱泉權晶山諸詩人

蓬萊天遠隔靈植忽枉書來鵲語譁細拆雲緘思

喬采懸知風韻似茗華神仙籍近班連荀鸚鵡門

高客點茶

豐山君係高麗前王之駙馬

向後相思何處是碧山

明月夢君家

記曾春酒遞銀植

駱泉晶山去春曾詣厲煮茗談詩

入座賓朋燕

笑譁每覺臨風懷玉樹劇憐別日始桃華解嘲卿

語仍題墨破睡侯封人拓茶料得海天同憶我城

南依舊子雲家

次韻答高麗韓尙書

致應

見寄

東風吹綠漲迴汀喜接芸函滿袖馨雪裏鴻泥猶
可認篷中楊柳舊曾聽於今薄海同文軌自古銷
魂送客亭莫恨天涯夢難到論交當日本忘形

韓君

去歲賀朝正入都爲正使有書求余爲序其
集詩簡來往皆因品山轉致未及面晤也

疊前橙字韻答權品山

蓮葉年年水上橙雲書來往絕塵譁新詩竟許傳

梅社昨接梅花社中詩軸皆用余印心石屋集韻

逸什真堪陋棣華

唐棣

懷人託言室遠諸
君見慕意實過之
文字關心通寤寐珠璣入目醒

麻茶擬陶從此添新話渡海東坡本大家

坡公擬陶諸君

蓋取其意

次高麗詩人韓西園

永元

用拙集韻見寄

觀詩猶記舊傳觴

去歲權品山攜示高麗詩鈔中有一詩云卻恨青邱居海外終

知赤縣在人間余極賞之即西園作也

早識伊人水一方忽送新詩

來日下依然好句豔春陽人如蘭葉風斯扇夢入

梅花雪亦香

西園係梅社中人

海外九州原不異知君天

上憶巖廊

次韻答高麗進士成茗山

祐曾

題印心石屋集

湖海元龍意氣豪平生才力薄風騷喜逢佳士嫺

聲韻能識公卿豈節旄把盞茶烹初雪冷題箋花
拂五雲高他時翦燭尋良晤夢隔三山碧水濤
次韻再答成進士見贈

誰從煙末望齊州檣使來從八月秋便溯文津尋
寶筏居然滄海障橫流三山碧月蛟嘘島百尺紅
霞蜃結樓珍重移情同此曲成連海上有歸舟
風雅還徵屈宋鄉筆談佳日共匡牀一堂喜盡東
南美五色同瞻

日月光嶽麓有茶皆玉露巴陵無酒不瓊漿湖湘故事
君能說欲贈芙蓉一段香

賀柘農 熙齡 齋中見高麗行人李西園 洛 書以不

得一見余爲恨再三懇乞詩筆其意良摯柘農

轉爲敦致因走筆成一律贈之

相思雲樹早春邊一見綠慳意已傳逸鶴丰姿原

灑灑

西園以文學見推本國柘農亦屢稱其風度

猶龍家世自翩翩書

懷妙解參王令

東國人作字多學覃溪西園書獨近二王

詩品真能辨

樂天

自言在國會見余詩極相推服

莫訝蓬山渺難近神風屢阻

失歸船

連日考核京察冊籍兼城務甚忙西園屢欲會晤不能諾也

答高麗正使鄭竹澗

晚錫

留別原韻

四野天包蓋倚穹東西軌合會歸中乾坤有極觀

光近日月無私

景運隆石匪能言心可印人雖未面道相同

前有晤談之約因事

兀未

他時海國如相憶家在湘南水竹叢

答高麗鄭山石

五錫

憶昨春風款敝居臨歸猶未贈文無筆談正喜雙

樽共心印誰云一面殊雲繞蓬山通鶴舫月明滄

海見鮫珠古音迭奏璫簾雅知是東方老宿儒

山石

卽正使竹澗之

弟讀書不仕

卽席送何仙槎典試閩中時余亦將之官川東卽

以留別

又聽陽關第二聲我行未送送君行山川萬里成新別風雨良宵戀舊盟諭蜀昔曾勞父老余庚午典蜀試此去皆舊游也登仙今尙羨班生相思日近長安遠回首形雲是

玉京

臨別依依話更遲此身雖隔兩心知新風好采南方志別調應增水部詩自古文章能報

國祇今儒術久稱師

仙槎曾官國子師

望衡最憶攜行語孔

雀庵邊月上時

往歲同居上斜街有孔雀庵故址在其西兩人每攜手同游

題郭蘭石太史

尙先

讀書秋樹根圖

先生貌古神亦古磊落故是仙人班忽挾赤文綠
字卷坐此碧梧修竹間涼風乍來秋欲動石氣自
瘦雲長閒此中真意定誰識披圖一笑扁岩關

題奎玉庭學士

照隨

蹕詩草

扈

蹕春原錦繡堆書生遭際近鄒枚便看古藻賡

天什不復長楊數異才

顰外鶯花三月富筆端風雨萬山開從來學海波瀾闊

爭甘滄溟限一杯

再次前韻簡玉庭

撥眼紅紗萬卷堆無譁曾識勇銜枚玉堂三世科
名記金鑑千秋宰相才青出可能絲其染丹成猶
記鼎初開慚余十載依清直不及金莖侍

御杯

送吳西穀探花假歸揚州省親

玉壺清望嗣英聲杏苑花簪此日榮科第漫增吾
輩重文章先奉世家名金蓮燭永傳消息華黍詩
成見性情半載江南舊游侶因君望眼倍分明

爲林敏齋

培厚

題雲江泛棹圖卽送出守重慶

載得相思別夢違故山秋遠釣魚磯路經雪棧千
盤上心逐雲江一葉飛從古涉川須巨楫幾人臨
水念當歸巴渝我昔乘楂處最憶澄潭玉鯉肥

題卿永瞻先生廬墓圖

同年祖
培之父

三十年來孝子廬墓田丙舍宛成圖哀生流水琴
應澀淚灑青山柏欲枯弔客霜天曾下鶴依人宰
樹自栖烏瀧岡此日書肝表食報端由至性孚
題黃霽青太史消寒詩社圖

幾年簪盞此追歡樽酒論文到歲寒人似旗亭多
雅唱居如白傅易長安交深已覺聲相似聚久原

知別更難他日披圖尋舊約梅花香裏夢闌干

已卯臘月十一日至川東作

十年重到古渝州巨鎮依然此上游父老漫驚新
節使書生猶是舊軒輜卻看白水盟初志恰對青
山識故侯煙火萬家森在目獨慚無術切咨謀
潼川刺史有園蔬山茶甚多爲賦一律

小築平泉稱隱淪山茶開放四邊春毳分鶴鶴雙
頭細色染猩猩一捻勻方物昔聞推益部名花今
許屬詩人吾家三徑拋荒久卻對霜葩感舊因

庚辰十一月二十八日接到部文知於是月初七

日蒙

恩擢授山西按察使恭紀

登元

詔下喬雲開忽奉除書萬里來

聖主旁求關異數

微臣

資淺愧非才一年似借應慚寇

三館初延竟始隗

舊德

新施俱感切一時悚惕倍低徊

小除過資陽示李茂才

石梧

阿儂生小住資江卻過資江此一方

吾鄉資水爲九江之一邑

與此水 可笑歲除猶道路劇憐風景似家鄉行盤
同名

菜甲添生味飭驛梅花遞遠香喜得同舟有仙李
深杯且醉玉浮梁

成都守歲

更鼓寥寥應麗譙起看星斗轉珠杓條風暗逐香
煙動松火明同蠟炬燒節序正驚蛇赴壑朝陽佇
聽鳳鳴霄莫辭唱徹寒雞曉嘉慶書年只此宵

次韻蔣礪堂制軍自述

封疆望重棟梁身

簡在

心孚拜

紫宸龍首雲從占會合鴻毛風遇倍精神

帝知人乃庸皋益嶽降天原篤甫申四海後公能活我
還期珍重輔

昌辰

萬里

遺弓泣遠臣題期孔值再庚寅鈞天悵望猶前事宣室淒
涼定幾人

聖有

恩言推柱石賢膺上賞沛

絲綸西風父老千行淚一誦哀詞一溼巾

辛巳元旦成都祝

聖恭紀

元年元日拜

新皇快覩官家際會昌天上祥輝雲五色人間瑞氣日
當陽事兼作述

文傳

武道闢危微

舜紹

唐史筆書千應有意道光開帙首重光

陶文毅公全集

卷六十 詩集

九

送陳偉堂學使

內召

星使

恩光接上台刀環夢報大宮槐

前月夢刀至是始悟爲

上賜以大賜

環之

此行要爲蒼生計我輩原從白屋來

聖主殷殷方側席諸公衮衮望登臺平生磊落看人意

湖海元龍愧爾才

登平定州署湯雲樓用沈牧禮田

琮韻

閒閒老子題詩處留得樓名直到今地扼太行橫
古塞天連大漠俯重陰新封雉堞看應峻往跡鴻

泥踏已深笑指白雲知我意出山未改在山心
幾點螺橫夕照西萬山分送暮雲齊城臨桃水秋
還漲旗卓榆關日欲低終古嵐光沈黯黯無邊草
色白萋萋使君民事關心切來往陰晴著意題
涿州道中望

昌陵感泣恭賦

掩淚難勝下土悲太平卅載仰

垂衣雪深黃竹原殊轍雲黯蒼梧竟不歸終古河山留

聖澤萬年日月護

靈扉攀

影莫盡 微臣
意悵望

橋山隔夕暉

徐州

青山兩岸抱徐州也比金陵枕石頭
霸氣久隨王
偃盡城名猶爲老彭留
關津有險當淮泗鄉里無
情鬪項劉不信河源天上落
女牆根下是黃流
蟪蛄靈澤夫人廟

陰廊環侍美人兵剛猛真堪紹
乃兄天乙儻能歸
帝妹晉文何至納懷羸
秋風暗浪劉郎浦暮雨空
山蜀國城咫尺大喬猶有宅
危磯應換小姑名

宿州登高皇山

亂石如甓臥夕陽符離集北此崇岡憑高盡攬長

河水

時以勘辨雕河隄工至此

設險曾經古戰場尙覩遺祠題

漢帝因懷宅土自殷商登臨別有關心處歲晚飢

烏慕稻粱

勘水銅陵登富覽亭作

一從梅子兼旬雨暴漲連番浸大田滾滾江潮翻

不盡汪汪隄岸竟無邊拍天惡浪奔銅渚行地神

舟少鐵船誰識登臨憂極目人家傍午未炊煙

層巒背郭枕危瀾小泊吳艤一倚欄山似眉江鐫

石佛

稍東有石佛山

人來湘浦憶銅官晴巖甫現諸天相

亭在天

王山幽壑能生六月寒稍喜亭名標富覽占豐

藉放旅懷寬

過太和縣示阮令

細陽城小屹河濱問俗欣看此尙淳地入汝南多月且天開陌上好陽春馳驅勉策

熙時盛教養相期漢吏循卽日經過范滂里

在治北六十里之斤

溝

澄清攬轡慨斯人

過兒寬故里再示阮令

下馬荒阡弔古墟倪邱煙月未全蕪流風一代有

都養繁露幾篇傳大夫曲學若宏終厭詐得師如
董定非愚從來吏事關儒術記取邦人亦楷模

桐城道中

午午雲峰儼列屏桐鄉景物望中青暖風抽麥晨
猶潤夢雨催花晚乍醒此地合稱朱邑邑何年初
建呂亭亭龍眠一帶山光好畫裏曾逢路又經
送孫平叔中丞巡閱

門開雙戟動晨鴉上將威嚴路不譁南國春多風
載旆西山塵沐雨隨車卽看鳬藻千軍色無數鶯
桃二月花料得據鞍詩思健羽書馳慰此心遐

壬午十二月二十四日大雪用東坡韻

春光纔透二分纖

是日亥刻立春

幕野雲寒未解嚴竹外

乍如聽撒米梅邊先已報調鹽迎芒吏去迷鞭影

騎馬人歸壓帽簷傳語老農同一笑收將喜氣上

眉尖

飢鳥噪廩尙鴉鴉泥潦曾煩節使車

鳳泗水災前於九月內中

丞往勘奏請賑卹

但遣蝗蝻沈水澤儘教龍鳳舞天花眠

來破屋非無客溼到炊煙定幾家呵凍自嗤詩漫

興翻因仰屋手頻叉

余忠宣公墓

有序

皖城西二里許有大觀亭元贈江淮行省中書
余公祠墓在焉陶竹侯司馬攝懷寧時重加修
葺暇日登臨憑弔偶成二詩書貽竹侯

斬黃兵氣久紛紛六載孤城抗楚氛
衰草竟能偕婦稚死綏誰可負將軍
塘邊寂歷圍荒草江上蒼茫走斷雲
太息杏花虞學士生前事業早知君
胡儼雜記或問虞文靖曰危素事業何如虞曰太朴非所敢知必求其人其余闕乎前輩知人之鑒不待履聲藁袁時矣

高墳矗矗倚崔嵬髣髴當年立馬來
尙想青陽藏草舍極憐輦谷久蒿萊
河山欲灑新亭淚風雨猶

聞壯士哀千古睢州雙廟近韓公祠下浪如雷

太守

韓建同時閩家別難祠墓在南門外大江濱

癸未正月初五日復雪疊東坡韻

又見珠塵落地纖蕭疏庭院轉深嚴春聲乍動松
淞玉樂府重翻昔昔鹽柳絮調高徐度閣梅花香
重宵低簷等閒繪取江天句小艇漁翁一笠尖

怪來鶴毳上晨鴉綺帶誰翻帝女車高樹影寒雲
有屑畫屏光動酒生花平增玉嶺千重色已滿瓊
田十萬家暢好春臺同矢詠不須驢背問三叉

卿滋圃少常靈隱過院登舟哭之眷念舊交歸而

夜不成寐有作

問閭道貌宛平生叔度汪洋氣自清天道驚心疑

夢夢人場回首惜卿卿

君由給諫超擢京堂同人每以此相呼

忠臣

孝子家規在

尊人求瞻先生孝行被旌

諫苑儒林史傳并一

事臨風堪破涕怡添雛鳳有新聲

君沒後四月遺腹生子

朱節母兩世

旌門詩

別鵠孤鸞歷劫同巍巍雙闕共褒崇家傳節孝爲

彝訓天聚熒綏作禮宗詠絮才能光母族

女適汪亦早寡

志知書婢亦習門風

有婢李以主母故亦不適人

共姜紀叔姬

同傳昌後方興報亦豐

矯矯蘭臺珥筆臣屢書不一大書頻

傳中牽連附見者凡七人

皆一門娣姒姑婦也

直將合傳淋漓手曲寫全家冰蘖身執

簡原歸舊史氏教忠先表太夫人

作傳者爲朱蘭友贊善其母亦

苦節也

維風我亦觀風使綽楔重題墨潘新

次黎湛溪韻贈孫嘉樹先生

精神元鶴氣昂霄黃髮皤皤翊

聖朝海內靈光原道魯轡前比戶可封

堯應同浴鄭名俱泰直覺夔龍侶未遙引領台暉欣一

路福星高處卽珠杓

按部欣逢大校年，門開榮戟望猶仙。
登壇自壯風雲色，操管曾依

日月邊。草帖蒲輪煙欲動，花飛芝蓋雪初旋。
因知鄧寇皆元佐，麟閣勲還耀列躔。

卅載荊州欲識難，龍門高企五雲端。
經綸雅抱千秋鑑，仙佛仍兼一品官。

帝賚袞衣爲補職，家傳章甫是儒冠。
卽今六皖經行地，父老殷勤夾道看。

訪古登臨杖弗持，江亭延爽矢音宜。
縱談古事言尤崛，絕細文心律獨知。
幾處棠陰留召伯，

時由皖巡閱江

西歸來桃汎靖支祁

歸路由徐睢
閭視河工

依依拜送情何

限溶曳光風上柳旗

勘水壽春同僚屬諸公登八公山作

拍馬春原雨氣深八公山好一登臨珍珠遙送澗

邊響雞犬忽聞雲外音落落風痕仍半袂飄飄實

氣已千尋淮南淮北多塗壤極目空懷拯溺心

乙酉元月同戴春塘觀察程玉農太守登鳳陽之

第一山時方入

觀過郡度歲

霽景初開雪岫攀鳳陽城郭畫圖間憑高俯拾諸

峰秀望歲同瞻四野閒雲擁珠光流蚌埠

蚌埠卽禹貢鱗

珠處也

春浮曉色渡淮關熙熙願普登臺樂第一辰

來第一山

自京師歸入宿州境作

衝風兩月任征鞍歸及鶯花得得看迎路兒童嫻
拜跪扶輿父老問平安極知禮教能移俗且喜田
功已命官帶得陽和春有腳麥畦青送馬蹏寒

題黃惺溪侍御歸覲圖

一疏鏗然達

九閣公卿動色祖東門欲推

孝治從臣始特許陳情賴

主恩

吏部例京官滿六載始准假省

報可花下萊衣披解豸

盤中菽水雜雞豚丹砂搗就蒲茸茁正好升堂介

壽樽

枉過初來六皖間挑燈連夕話家山卻因折坂馳

驅險倍覺循陔步履閒芥上烏雲心共戀

君居烏雲界之

麓卽余舍後山所從發脈也

門前白水夢相關廿年父老還鄉

曲余館選後乞假省親今二十餘年矣提觸前塵鬢欲斑

舟過金陵

舟過金陵不及泊非關風利爲趨程撐空火繖有

餘熱照水畫旗無數明綺樹已非三閭豔舊城猶
記六朝名繁華一去浮雲改卻笑青山亦世情

六月二十六日入蘇州作

姑蘇臺接古閶門伯國勾吳往制存水繞入聰胥
口合山當一面武邱尊曾傳端委周家法渥被垂
裳

聖代恩滿目繁華轉增惕諮諏期與素風敦
行經鍾阜望半山亭

半山亭子山之半半倚孱顏半入城地僻任從人
誕傲路歧難辨石縱橫崇巖自鬱風雲氣別澗猶

喧日夜聲留得謝公雙屐在一墩容爾不須爭

鄉試監臨乙酉科文闈安徽學使張公鱗作詩見

寄輒次原韻奉和並示外簾諸君

早歲科場倖廁名頻來瑣院聽吹笙自入詞館後一典蜀試一

校會闈丙子丁丑文章藻鑑歸前輩學使與下江學使辛筠谷

連監京闈內簾侍郎暨主考劉筠圃少司空陳石士諸學皆科分在余前

盛世英材重子旌側想大江潮勢湧會看滄海夜光盈

簾分內外心無貳相助公勤在一誠

和屠琴陽吳門舟次感懷原韻

真州歸去年猶少漁隱茗溪已十秋往跡重來一

鴻爪世緣曾見兩蛇頭頻頻宣室徵才子叵奈深
山戀故侯身是江湖心魏闕未應乘興老扁舟
何堪籍湜定東萊老友掀髯一笑陪骨本聲牙仍
傲吏力能飲羽是詩才長卿善賦容消渴宋玉多
愁任酒杯我亦摯虞新病愈纍纍相對鬢毛催

京口登銀山望潮作

大聲忽發水浪浪萬頃寒濤滾雪忙白晝魚龍咸
起舞青天樓閣共軒昂疆分吳楚形原險山控金
焦勢敢狂便擬六鼇乘曉策日波紅處看扶桑

游慧山寺試第二泉

慧山山下慧山寺寺裏泉留第二名每怪唐人誇
水遞只宜坡老揀茶烹濛濛霧向竹中出淅淅濤
從松外鳴不用風前張兩腋梅花一路看春生

丙戌二月一日海運初發偕同事諸君赴吳淞口

致告海神登礮臺作

昔聞觀水必觀瀾吉禱今來得大觀萬舳寶沙通

轉運

臺外有復寶沙回環二十餘里各船從此出洋

九重玉食念艱難煙開島嶼豁黃龍遠潮滿神停白馬看

指點扶桑雲五色日邊好路近長安

經營焉敢避迂疏

天府由來重積儲碣石舊程修禹貢禹貢夾石碣石為海運始海濱

新鹵闢河渠元初張瑄朱清海運由劉河口轉海門之廖角沙沿嶼北上計程一萬三

千里其後殷明略開新道較近由劉河至崇明之

三沙放洋明代王宗沐等由灌河口至鷹游門轉

般膠萊沈廷揚由黃河口出洋趨成山今俱沙壅

難行本年出吳淞口至十墩余山放洋為從來運

糧米經梯航遠道歸中極溟渤多年奠左閭自康熙

十八年開海禁香火乍收旗欲轉不驚鈴語送吹

重洋平靖已久

噓是日並祀風神

兩載茨防

諭旨宣疏盈未許滯紅鮮各省議折漕停運般倉劉晏

原中策上年六月在皖奉命調蘇議請海河並運並請嗣後仿照唐代轉運般倉法

清江浦建倉以備緩急作楫商巖有大賢海運之議發於協

相國曹公文秋潭太宰大司馬玉研農師尚書王

省齋前輩樞直宣諭諸多贊畫襄平相國師

尤屢次路認登瀛多伴侶潘吾亭陳芝相王希伯

札商皆詞館舊雨宋觀察為

小坡前輩之弟許大令為地非橫海試樓船同舟

青士滇生兩太史之兄

倍切同寅誼郭李人曾望若仙本年辦理海運琦

綱穆鶴舫同年陳心禽前輩先後督漕多所籌酌

智耦耕方伯及同事諸君力肩重任俞陶泉李葛

峰兩司馬司局務大小印委並切同心得以集事

彈壓則提督王竹亭總戎曹濟川副將裘古愚之

力為多

申浦連番策騎從去秋曉諭商船至滬望洋復此話從容脂

膏每惜東南竭杼柚仍勞大小供

帝軫閭閻紓穗枯

頃以民力拮据請將帶徵道光三年災緩錢漕遞緩一年並去秋蘇松等

屬被風米質多青腰白臍又旬容山田較多請嗣後紅袖並納均得

行報可

海浮天

地識朝宗吾儕忝竊多民力敬告羣寮矢協恭

海運告成蒙

恩賞戴花翎恭紀

機宜原稟

聖心操

海運一事斷日硃批爾督辦此事諸凡妥協朕深嘉悅又奉

宸衷六月初五日奉到

上諭陶澍親駐督辦深協機宜

海上歡騰萬米艘飾首有光生翠雀

冠山何幸戴金鰲

廷多鳳翽儀朝日

煦齋師首建此議穆鶴舫申鏡汀兩同年同時駐津驗收臣本

雞棲愛羽毛引領

天閭欣附翼順風翔步媿微勞

題南村耦耕圖送鄧湘皋還新化

依然識字老耕夫風景南村入畫圖我見君苗焚
筆硯人言臣朔困侏儒買田石佛家應近辟穀金
仙粒久無猶有還山風雨約不教秋興惱催租

題尤春樊舍人東籬雅會圖

今年馮蠡太無賴十萬農田已不秋滾滾濁流兼
地盡濛濛野色接天浮竟無芝草療飢口怕對黃
花笑白頭猶有園林窮勝事時平諸老自風流

白衣遙送籬邊酒此會應吾作主人九月秋心催
茂苑十年香草憶湘濱詩成北郭多吟友座對南
山悟淨因好向君家徵法曲天然菊部是花身

學使辛筠谷前輩次海運詩韻見題籌災摺稟賦
此致謝

桑田驚已化狂瀾百萬平疇失舊觀如此災傷今
乍見可知博濟古原難鼃鼃晝向隄邊臥魚鼃晨
從樹上看定識愆尤緣我輩不勝轉側寢遑安

蓄清未必古人疏誰遣虹隄潰內儲但見下游成
仰釜不聞高地載醴渠前門暗塞穿回溜別徑旁

開洩尾閭可怪蛟龍忘窟宅猶將雲氣四山嘘

蠲賑兼施

詔屢宣

九重肝食念艱鮮得生人幸逢

熙世拯溺臣原愧昔賢敢語勞來恬鴈戶

前奏籌辦收養災民一摺

奉

硃批朕正深塵注覽奏精詳周妥朕心稍

釋

務要隨時妥辦仰見

聖心刻抱如傷之隱殊

愧奉行未

能盡善也

未應悉索逮舫船接括有及舫船

者移機止之慈航

仰藉

天風御苦海仍登大願仙

使節恩恩枉過從一樽暫對話春容每瞻

北闕懷同氣况值西師乏正供舊雨曾依老前輩

乙亥

僦居宣武坊南與先生爲鄰

土風新采大文宗撫綏無術慚曷

吏願託芳暉勉靖恭

十一月三十日游焦山次借庵上人七十詩韻是

日值余初度用生字韻增之共得詩八首

海門山迴客行稀著屐重來雪爪非

丙子初春會游此山石

洞暗滋泉乳細仙崖長養玉苗肥行穿竹樹依芳

磴笑指松寥問舊磯比似後游懷赤壁簫聲吹送

鶴南飛

丹徒李冠仙桐城葉伯華河間紀汝億同在坐有詩

雲衣眞欲學袈裟爛漫江天色補蝸對酒恰宜山

翠好開窗不著渚煙遮塢鈴有語人初渡庭石無
心客莫誇試向寒梅訪消息水邊疎影正橫斜

曇花飛舞散天魔畫壁新參老達摩

時方重修
佛像紺宇入

座香凝優鉢發隔牆影數布帆過山橫象嶺風聲

壯路截蛟宮寶氣多我欲下窮犀渚怪切灘先擬

掃豬婆

豬婆灘軟泥甚多相傳下有豬龍
泉眼通江噴沙塞谷擬濬除之

半生豪氣莽難除枉羨名山臥讀書歲月可能人

不老神仙翻喜道之餘永懷銘鼎恭三命

焦山有
周鼎

得與談元惠五車渺渺天風衣袂舉此行差不負

凌虛

回首春時海上游寶山高處話勾留香秬漚瀆千
帆出玉雨瀛洲一笠兜肩遣般倉通洛口未應浙
米到矛頭憑欄俯仰多慷慨合倩金樽爲浣愁
瘡痍滿眼定誰醫災到今年已是奇幾見新圖翻
鄭俠何堪流水問鍾期過河但有枯魚泣移谷能
無智叟疑指點維揚千萬戶炊煙冷澀恐難支

尙記丁年放櫂曾雙峰頂上手捫藤數椽坐對松

髯叟半日閒同竹院僧此境至今懷杜牧

丙子游
焦山和

杜茶村
韻六首

故山何處躡孫登印心石上印心屋商略

雲巖第幾層

亦知幽壑費緣縈爲愛茲山有重名
半壁能回滄海氣兩潮先東大江聲
溪山近矚多同侶風雨遙天感舊盟
韻借借庵還借一百齡吾與學長生

臘八日大雪用東坡韻

隨風珠影落纖纖院宇深沈夜轉嚴
恰似飛符能調水可知平準合增鹽

時以河費議增鹽價三釐

噉鴻集澤驚

殘粒冷燕回巢誤舊檐獨喜占豐今
有兆攜壺欲倒玉山尖

雪山高處不飛鴉萬里元戎走傳車
瓊筵曉垂風舞毳鐵衣寒重雨摧花
軍聲鵝鴨恢唐續樂府

茲念漢家計日收還銀世界坦平

皇路本無叉

送潘芝軒師入都

經綸碩望領清班蓬頂文章孰許攀
五色慶雲曾日下十年霖雨在東山
家傳穹石歸鴻寶庭有嘉賓
報雀環慚媿門牆舊桃李臨歧顙顙是塵顏
年來江國困漕渠

南顧頻煩

盱食餘宣室儼塵前席問水鄉親見下游居珠秬比里

仁人粟

捐置義田數千畝

金鑑千秋宰相書

近輯鏡古編皆經濟名言

陶文毅公全集

卷六十

詩集

三

引領騰舟思附楫順風天末正吹噓

題費禮部

庚吉

篝燈課讀圖

亞檐古木黯沈沈夜永機聲促苦吟卅載嚴霜催

短鬢一燈寒雨軋秋心巨鼇已掣人前望

舉會試第一

單鵠應餘絃外音獨有綢繆雙眼淚甘泉拜畫恐

難禁

丁亥六月二十六日自蘇州赴鎮江舟中暑熱異

常二十九日泊金山憩山麓小院中向夕登舟

有作

金山東角崖千尺高閣凭臨一灑然石養靈根長

在水松藏古色不知年
問甘且試中冷味去酷還
慙大暑天輪與山僧能不熱
白雲低亞竹牀眠

登舟向晚尙依依
月黑江深夜氣微
神怪我頑歸

未得夢傳公至蓋先飛

時與襄平節相約照於此

檣燈照水留

山影螢火驚風上客衣
一十二年前浪闊記會掀

枕臥禪扉

丙子游山以大風阻渡宿寺院

次韻題卓海帆府丞憶山移談詩圖

相從兩兩復三三
暇喜同人此晤談
望借雲間兼

月下

召時僑廂滄浪亭畔遙主雲間講席

地當碕北與砭南
煙波恰

稱閒居適風月誰將盡
藏探時發陽春難屬和珠

環在目使人慚

最好山居絕點埃
滄浪歌裏櫂船回
不喧車馬非人境
小作敦槃有客來
烏角應傳錦里詠
蛾眉如對雪峰開
此閒可樂無殊蜀
更約梅花野水隈
再次九日偕游滄浪亭韻

自笑頻年困簿書
秋風遙隔舊茅廬
徑荒松竹離林鳥
夢繞江湖逐隊魚
白社尋盟樽酒澀
青燈話雨夜窗虛
索居此日搏沙聚
獨愧詩才遠不如

君
蘭坡隸華葦鄰諸同年
盛有倡和余詩獨少

玉塵清談幾度過
近山林處景偏多
放懷風月無

今古濯足兒童有詠歌游比逍遙堪作賦居於安

樂自名窩霓裳舊侶新圖繪待借他山石好磨

滄浪

亭畔新刻名賢暨
像擬肖同人於後

和梁茝鄰方伯孟冬二十五日步入滄浪亭憩於

南禪寺原韻時同游者八人而余不與

幾度偕游結勝緣謝公雙屐更悠然放衙便動觀

魚輿載酒還如賞菊天

重九日同諸
君讌集於此

石壁疎林供

醉眼小橋流水寫吟肩卻教滿郡猜傳徧道是蓬

萊島上仙

天然圖畫好園林水色風光共一岑勝地合教名

士占新聲重聽大羅吟邀來櫻筍皆仙侶種到梅

花是素心

方伯議種梅其上

今古因緣誰悟得南禪寺裏

晚鐘音

登靈巖山

幾年爽氣西山望今日靈巖一放歌吳越全圖歸

指掌滄瀛尺地見通波便從高處呼元宰真覺池

邊有太阿繁響忽生風葉亂拂衣歸擬掃煙蘿

追和琴涵秋興韻八首之二

昨夜星辰昨夜風

用舊句

刁調送響入簾櫳乍聞雨

滴瀟疎外從古秋生感慨中世事高低吹馬耳人

問朝暮付狙公姑蘇臺上千家月爭遣浮雲作墨
籠

濯纓原不定滄浪濠上澄觀意已忘但隔蒹葭生
悵望未應松菊遂荒涼天寒路斷魚龍夜水滿秋
沈燕雀堂太息無因迴舞袖登場鮑老漫郎當
泉交河新建石埕和胡律臣先生

石埕崢嶸俯碧灣清流交處鎖重關陡通七級煙
霄上平引三台步履間卓筆恰當山料峭振衣時
聽水潺湲使君雅抱淩雲氣抗手丹梯路共攀

戊子元宵後一日邀諸同人卽席用石琢堂先生

人日詩韻

畫閣塵清小部聲
熙韶暖律已新更
銀箏細和空階雨
玉樹明烘幾日晴
佳節不妨開雅宴
豐占豫喜愜農情
宜春韻事

昇平調合與詩人
證舊盟

三月二十九日復舉一子朱虹
舫學使以詩見賀

奉答原韻

化雨欣逢澤及時
春風在手應條枝
文壇舊望會驚鳳
試席深叢幾見雛
儘有芹香光泮壁
記惜萃

野詠笙簾

忝借鄉舉甲戌
同分校禮闈

飛箋此日詩郵速
絕勝

籌添玳瑁卮

承家報

國凜經傳兩次書名嫩紹前

大兄慧壽爲宮保孫平叔先生命名是兒襄平

節相命之曰恩壽以

國家大武底定紀

恩志慶也求火遠仍呼屬夜生

兒業已過瞿年會開湯餅延嘉客喜試嘵聲遇大

賢何以報公環雀在掌珠相慶定連絲

聞公亦有徵蘭之兆

故豫及之

題卓海帆同年木天清暇圖

玉樹臨風入望生

禁林猶記舊遷鶯醇醪醉客周公瑾紅燭修書宋子

京煮茗定多名士味惜花消得美人情高齋此日
滄浪近更補霓裳序裏聲

和韻題桂舫司寇靖節詩意圖

種秫惟須十畝田投簪高揖謝朝賢微君雲臥自
終古夫子風流與後先白髮弟兄聯舊榻故山魚
鳥證前緣南村鋤耒東籬菊合著州官送酒船

自題皖城大觀亭圖

五年皖伯城邊住挂笏青山峙大龍暇日大觀亭
上望落霞秋水散芙蓉江流滾滾來天地祠樹陰

陰送鼓鐘亦有豐碑書峴首

宋景濂有余闕傳余
爲書石立忠宣祠前

他時冠蓋記吾從

自題畫幀寄劉先生

有序

劉心地先生與先君莫江公爲石交今年逾八十矣書來時念鄙人並道及先君苔岑之素令人惘惘其猶子大順來金閭倩畫手趙颿寫先君及余像將持歸以慰先生想念之意此可見先生一門孝友之誼與友朋關愛之情也因題一詩以識其事兼以質之先生俾數千里如面云

數載江南

主命宣蕭蕭華髮漸盈顛敢云憂樂關天下但覺形容
異少年地隔停雲生客思窗寒夜雨記牀連新圖
當作梅花寄莫認屏風寫樂天

戊子秋闈填榜日呈主試鍾仰山侍郎黃樹齋太
史兼示同事諸君子

瑣闥重上至公堂慣聽蠶聲食葉忙欲採棟梁儲

國用先舒桃李爲公芳奇文立挾三千牘

薦卷千餘本三場合

計共三千六百餘本

香案分排十八房曾是霓裳同顧曲西

風回首廿年長

桂舫尙書結問梅詩社當舉第一百集適所築種

梅書屋落成設劇宴飲賦詩索和

百集梅花百首詩百層樓上見花枝幾生修到緣
非偶三徑同來慰所思著屐空山尋鶴處騎龍香
海看春時後堂絲管旗亭句何必商巖羨紫芝

十一月二十日同陳芝楣宋湘帆兩糧道及鎮江
趙兩樓太守前升守羅麓西觀察由丹徒橫閘
出江溯流至焦山時糧船北來歸次淺阻於京
口內河余議改道由大江直下至橫閘入口弁
丁以焦山南岸有象山爲險百計阻撓故親往
指視是日傍北岸取道對渡更順開此一路亦

數百年來漕道所未有也晚歸賦一詩

兩年不踏焦山路今日乘風快此游黃葉作聲添

澗響

寺僧乞予書黃葉樓句

碧雲飛色定江流即看渡水馴

香象可信開山鑿石牛向晚歸燈橫閘外幾人驚

識李膺舟

題滄浪七友圖

顧南雅朱蘭坡朱詠齋吳棣華梁蘆鄰卓海帆及余凡七人刻石滄

浪亭內

滄浪亭子滄浪水勝侶招邀感夙因藥榜記同前

進士竹林思附古賢人座當左右皆風月美盡東

南孰主賓持比屏間五華髮

時又有滄浪五老圖謂潘三松吳玉松韓

桂船石琢堂四
先生及余也
蘇臺畫景一時新

賞音如和七條絃七枕風生七子篇細數同年還
幾輩多逢此日是前緣嘉游豈必傳因地名榜從
來許自

天

壬戌
御製傳臚詩元注有
異日卓有表見人稱名榜之語
曳履人間高閣在更

期呼筆掃淩煙

題梁茝鄰庚午雅集圖

館闢藤花敞四筵十三人已畫中傳

凡十三人
皆閩產
名

流雅集西園記妙墨新圖北苑禪揮灑杯盤同落

拓沾濡草樹亦因緣人間此會疑仙飲獨羨先生

筆似椽

諸人多飲酒獨
鄰像操管吟詠

喜雨和芭鄰韻

細縕醇化本潛通鼓盪欣回一氣中急溜垂檐深
著地長瓢翻手妙從空便收龍骨歸無用已祝豚
蹄定有功膏黍芄禾溝漕滿故應歡笑到村翁

底須石燕參差舞真有雲龍上下逢洗眼忽跳平
地玉齋心猶記昨宵鐘汪洋

帝澤非私我辛苦天公爲閔農豐稔已占歌詠發催詩
頭上墨還濃

夜宿太湖東山題古雪居

古翠標門妙墨留

門額翠峰寺三
字董香光書

禪房深處徑通

幽窗連樹色雲生案澗瀉濤聲雨入樓遠有明湖
窺一角乍來絕頂豁雙眸恩恩莫訝鴻無跡兩夜
青山借枕頭

王竹嶼觀察白雲回望圖次姚姬傳先生韻

桐鄉風景卽榆鄉客裏雲山夢正長庭有三株存
舊植田無二頃怕新荒棠陰雨色春浮綠宰樹風
聲夕攬黃箬笠櫻鞋無恙在莫將漁釣認嚴光

題潘二星齋紅蕉館集

細馬駛來錦繡箋眼明遙望彩雲邊謝王子弟原

公望李杜文章更少年瑤島孤琴還佇月藍田雙
璧自生煙千秋事業知何限卽論詩人已足傳

辛卯六月五日晨出石頭城送當塗黃左田尙書

赴京祝

輟遂登獅子山望江水盛漲

龍江關上維舟處獅子山頭送客時螻蛄綠城生
暎暘蛟龍劈水競撐披席前定有籌堪借瀾倒眞
愁力莫支北望

九重

宵旰切更煩珍重答

堯咨

十月初二日自丹陽至句容作

曲阿西上正怱怱路指雲巖憩句容古寺尙留唐

代碣

圓照寺有唐碑

小侯曾裂漢家封

漢長沙定王太子分封於此一條

水逆仍通澗四面山包儼列壙卻憶吾宗華陽叟

三茅頂上臥聽松

壬辰四月二十三日沐陽道中

問俗欣乘沐水春落花飛盡樹沿村楚風舊域恢

東海淮雨連圻鎖北門山走羽淵千里豁原鋪鱗

隰六塘渾迎人一雨征塵淨恰喜青青漲麥痕

曉發沐陽入海州

胸程東指馬蹏催曉露如珠上麥胎古邑尙存龍

且號遙山多自馬陵來屏開錦繡霞千疊

錦屏卽
朐山在

州城海隔薔薇水一杯

州城北有
薔薇河

知是陳唐舊湯

沐

同郡陳恪勤公鵬年唐陶山
先生仲冕俱祀海州名宦祠

九疑鄉色望雲臺

海州雲臺山舊在海中相傳
從九疑飛來故又名蒼梧山

海州道中

表海居然控列壙州如斗大此稱雄沐沂平引青

州浸齊楚橫當大國風里有高門容駟馬吠餘夏

翟貢華蟲獨慚無術紆鶉結綬輯惟應祝屢豐

四月二十六日偕鄒公眉謝默卿暨諸同事登東

海雲臺山作

振衣直躡蒼梧上

水經注此山從蒼梧飛來故上有南方草木

萬里瀛

雲鬱此臺眼底地形三島在域中山勢兩條來黃

流氣包淮海青頂雙峰挾雨雷

極高爲青峰頂又有金牛頂

傳與鸞鳩應一笑十洲風景信悠哉

石級層磯手扪捫剛如靈岳訪天孫

階級比岱頂之天門尤峻

山空一任雲今古潮遠能迴日曉昏每怪齊人夸

北海浪傳秦帝表東門江河路奠朝宗永可是鼇

維此柱尊

曾聞舶禁限當年畫地拋荒事偶然

順治十八年以海禁畫此

山置界外徙其民於內地康熙中復之

都郁久知洲即島

山海經以此為都洲

水經注謂之郁洲

桑麻今變鹵為田

乾隆中海漲東徙百餘里山遂為岸卻

綠海王疏禺筴欲引神山渡願船

淮北商運疲敝擬改行票鹽之

法

澤鴈歸來雖雖滿早麴香送午風宣

半生自慨牛馬走長嘯忽聞鸞鳳聲海闊天空有

斯境水流花開無世情逕思結伴拾瑤草可許上

仙貽玉英夕濟郁洲儻能賦述初何日遂鴻征

崔季

珪述初賦吾夕濟手郁洲即謂此山

壬辰科校錄皖省遺才偶成

鎖院宵嚴報五更錄遺暫此領文衡元戎不改書
生面星使何煩節度迎路過荆山看玉獻網開滄
海見珠盈恩恩漫作庖人代莫訝酸梅試鼎羹

癸巳十月十一日由蔣家壩渡洪澤湖遂登老子

山相度移設水師營地翼日復偕同事游龜山

訪禹蹟李蘭卿觀察詩先成卽次其韻

湖隄巡歷堰工成

時信壩告歲
接堵三河

又趁晨暄破浪行

秋水方平宜放櫓好山如畫况知名臨流有侶偕

酬唱設險何人此屏營

洪澤湖接連兩省匪徒出
沒其中向無議設專營巡

緝者幸際

昇平不忘武敢誇帷幄坐談兵

寥空指點白雲堆層疊看山曲磴開鐵鎖尙傳神

禹蹟丹爐先訪老君臺

曹學佺名勝志老子鍊丹此山因名

三洲鐘

鼓聲原壯萬頃波瀾力孰迴曾向扶桑觀浴日閒

情仍策六鼇來

去夏以勘辦票鹽登海州雲臺山有作和者甚多

一勾天光洗眼新野謀同載爲觀民山中猿鶴情

如識水底魚龍氣已馴瓜浦遠浮前渡雨桃源疑

接故鄉人

洪湖北岸卽桃源縣境與敝居資江相鄰之武陵桃源地異而名同

淮南

草木清湘色應憶秋風發楚津

聚米軍屯揀習流山川能說更探幽徑餘楓葉深

通殿信報梅花穩插頭濟世懷原期彼岸登仙緣
欲證同舟此行合補何鏗記努力湖河借上游

乙未四月二十三日重登雲臺山

又踏金牛頂上行海風飛舄上蓬瀛蛟龍瀑外晴
猶挂雞犬雲中夜有聲爲訪仙人尋舊榻喜偕詞
客證初盟長松返路三年別卻笑公髯雪已盈

次韻和苴鄰方伯奉

召北上紀事

揚子江頭一葉輕推篷握手是同盟煙霞

帝與銷沈痼

寄同籍

諭有云患病三年自己就愈

風雨人還策邁征南

國巡行留素望東山出處繫蒼生

堯階亦有瞻

雲戀

時余亦將請

觀羨爾先迎進善旌

青山坐愛白雲還正待爲霖忍閉關催到鶴書原

有和

善化賀方伯同

召命攜來雉子總成斑

兩郎君侍行

新恩

秘殿傳

溫語

特命閩中督撫傳諭即行來京候簡

舊雨深杯款醉顏連日三山

徵會合更添嘉話到平山

林少穆方撫三吳李蘭卿觀察廖竹臣權守均

在揚州君詩有相逢莫道多

蠻語合與三山作會盟句

閏六月望後一日招同年程定甫林虛亭謝椒石
爲蒞鄰作餞蒞鄰詩先成因次其韻

一樽離合感前緣不待諏賓吉日蠲堂啟四并仍
序齒人偕五老更連肩尋常月道三分好此夕星

占百里賢都是醉翁門下客師挑季默轉醒然

紀文

達公季子萬斯時亦在座不能飲故戲挑之用東坡致師須得老門生詩意

雲水難言得意忘輞川酬唱盛裴王爭如此日同
人聚不數當年處士莊夜雨雞鳴方喔喔天風鼉

背自浪浪帶圍好續安陽會畫錦重來亦止鄰

平

芍藥頃復有金帶圍之瑞

英煦齋師寄示次孫錫祉蒙

恩改庶吉士詩次韻

天與元臣第祿宜翰林題額又重楣

成哲親王舊題門額曰祖孫父子兄

弟翰林此次長公相復題四代翰林扁額

靈根四葉流馨遠翹館

三朝食報奇

吳縣潘相國贈詩有四世三朝五翰林之句

草長科名皆式穀

花開兄弟更連枝

玉庭芝圃相繼入翰林六孫錫章今復舉乙未鄉試前此文莊

公與補亭先生亦以從兄弟同丁巳翰林也

趨庭想見

朝回後瑤嶼春移晷影遲

雲霄飛札示新篇回首

堯階侍讀年

謝壬戌殿試朝考皆公讀卷

海內文章欣有託門前衣

鉢自傳賢

王庭侍郎甲戌出余房

芬貽近接燕山桂秀泚頻

賡相府蓮廟品永承

天誥重

嘉慶甲子

掌院大學士蒙

駕幸翰林院公時爲

賜清華勵品額 清華世業

本青璫

俞陶泉都轉將歸道山前數日命畫士作水窮雲

起圖臨行說偈云四大本空一絲不挂脫卻塵

機乘雲瀟灑都轉平生不信佛而來去如此抑

亦善果有因也補題一詩以當輓別云爾

與君揮手無多日

去歲十一月余入

觀過揚

時嘉平上澣猶接手

陶泉方臥病余往視起坐語移

書比歸而君竟卒矣

一話翻成古別離忽覩臥游

陶文毅公全集

卷六十

詩集

吳

追往跡依然兼溯慰相思山重水複無窮影海立
雲垂欲暮時遙識臨崖正瀟灑輞川摩詰是吾師
霜信十二韻 以下七言長律附

颺館秋窮律變商掃空威屑欲流霜連番也似風
爲信向夕多應露已涼乍淺乍深光浙瀝非煙非
霧氣芒洋板橋跡冷人初去草閣燈寒夜未央山
遠疏鐘傳隱隱臺高明鏡浸茫茫定知逸響遺鶻
鵠別有清輝寄鷓鴣消息好憑青女使精神如團
素娥裝帶來一鴈號偏老寫入雙蟬鬢共長此際
更無春漏洩滿階猶作月猜詳魂銷旅店砧千里

夢結伊人水一方芳訊稍尋楓葉赤古心先報菊
花黃

微臣

履薄忱常切白簡曾飛識奏章

秋聲十二韻

西風一夜捲颼颼換出清商報蓐收聲自樹間如
有約涼歸天外遂成秋烏鴉陣噪平沙晚蟋蟀羣
喧小院幽幾處但聞乾獵葉昨宵已覺冷侵簞影
搖銀海三千界響送金鈴十二樓颯爾來兮人宛
在悲哉氣也客知不蓬蓬塋舞霜飛鬢滾滾潮翻
雪射眸絕塞蘆銜紛叫鴈前灘葦亂欲驚鷗吹將
角鼓星初動攪到梧桐月半鉤遠道胡笳催舊拍

故園刀尺逼征裘不堪搖落情追宋無那淒清賦
入歐甘載鱸魚鄉夢穩何時乘興遂扁舟